

Այս ճաշոցը մեծ դիրքով և շատ մաքուր զրուած է, առաջին և վերջին թղթերն քանդուած լինելով՝ հին յիշատակարաններն ևս անյայտացած է:

Գիւղիս հիւսիսն Խըլլիկի անուամբ բարձր դար մի կայ, որ լիժ (յղկեալ) քարերէ կազմուած է, երբէք ձին չի բռնէր ձմեռն և վերան ևս խոտ չբուսնիր, յատակից թղթիոցի ձայն կը լսուի միշտ:

Գիւղիս բնակիչներն Բասեանի, Պուլանխայ, Մանազկերտի և Խնուսայ գաղթականներէ կազմուած և 110 տնէ բաղկացած են և ունին լաւ վիճակ. դաշտիս գիւղօրէից մէջ ամենապատուական վարելահողեր և ունի լեռնային մասի մէջ մարդագետիներ, որով այս գիւղացեքս որք գրեթէ քրդերու հարստահարութիւնից հեռի կը զանուին, որոց հետ շատ շփում չունենալուն՝ բաւական լաւ վիճակ ունին: Իւրեանց հարստութիւնն է իւրեանց կալուածը, անասունները և ցորեանը, որ ամեն տարի մեծ քանակութեամբ կը հորեն, առթի կապասեն որ թանկագին վաճառեն, շատ անգամ պաշտօնեաներու զրպարտութենէ երկիւղ կրելով՝ կը հանեն ցորեանը, աժանագին վաճառելով՝ կաշառք կտան, որպէս զի զրպարտութեանց զոհ չընան:

Այս գիւղը տաս տարիէ ի վեր հաստատուած է Խըլթեցի Տէր Գրիգոր, որ իւր վարուողութեամբ ժողովրդեան յոյժ սիրելի դարձած էր, այժմ նա վախճանած է, նորա որդին, զարքացած երիտասարդ Ալէքսանը իւր հօր տեղ հօր անունով քահանայ ձեռնադրուած է. յուսալի է գիւղիս համար մեծ յառաջադիմութիւն: